

አእትብ፡ ገጽዮ፡ ወኩለንታዮ፡ በትእምርተ-መስቀል፡ በስመ-አብ፡ ወወልድ፡ ወመንፈስ-ቅዱስ፡ አሐዱ፡ አምላክ፡ በቅድስት፡ ሥላሴ፡ እንዘ-አእምን፡ ወእትመጋጽን፡ እክህደኩ፡ ሰይጣን፡ በቅድመ-ዛቲ፡ እምዮ፡ ቅድስት፡ ቤተክርስቲያን፡ እንተ-ይእቲ፡ ስምእዮ፡ ማርያም፡ ጽዮን፡ ለዓለሙ-ዓለም።

ነአኩተኩ፡ እግዚአ፡ ወንሴብሓኩ፡ ንባርከኩ፡ እግዚአ፡ ወንትአመነኩ፡ ንስእለኩ፡ እግዚአ፡ ወናስተብቁዓኩ፡ ንገኒ፡ ለኩ፡ እግዚአ፡ ወንትቀነይ፡ ለስምኩ፡ ቅዱስ። ንስግድ፡ ለኩ፡ አ፡ ዘለኩ፡ ይሰግድ፡ ኩሉ፡ ብርኩ፡ ወለኩ፡ ይትቀነይ፡ ኩሉ፡ ልሳን። አንተ፡ ውእቲ፡ አምላክ-አማልክት፡ ወእግዚአ-ኢጋእዝት፡ ወንጉሠ-ነገሥት፡ አምላክ፡ አንተ፡ ለኩሉ፡ ዘሥጋ፡ ወለኩላ፡ ዘነፍስ፡ ወንጹውአኩ፡ ንሕኑ፡ በከመ-መሐረን፡ ቅዱስ፡ ወልድኩ፡ እንዘ-ይብል፡ አንትመሰ፡ ሶቡ-ትጸልዩ፡ ከመዝ፡ በሉ።

አቡነ-ዘበሰማያት፡ ይትቀደስ፡ ስምኩ፡ ትምጻእ፡ መንግሥትኩ፡ ወይኩን፡ ፈቃድኩ፡ በከመ-በሰማይ፡ ከማሁ፡ በምድር፡ ሲሳየነዘለሉ፡ ዕለትነ፡ ሃበነ፡ ዮም ሳድግ፡ ለነአበሳነ፡ ወጌጋየነ፡ ከመ-ንሕነኒ፡ ንሳድግ፡ ለዘአበሰ ለነ፡ ኢትአብእነ፡ እግዚአ ውስተ-መንስት፡ አላ፡ አድነነኑ፡ ወባልሐነ፡ እምኩሉ፡ እኩይ፡ እስመ-ዚአኩ፡ ይእቲ፡ መንግሥት፡ ኃይል፡ ወስብሐት፡ ለዓለሙ-ዓለም።

በሰላሙ ቅዱስ፡ ገብርኤል፡ መልአኩ፡ አ፡ እግዝእትዮ፡ ማርያም፡ ሰላም፡ ለኪ፡ ድንግል፡ በኅሊናኪ፡ ወድንግል፡ በሥጋኪ፡ እመ-እግዚአብሔር፡ ጸባዖት፡ ሰላም፡ ለኪ፡ ቡርክት፡ አንቲ፡ እማኦንስት፡ ወቡናኩ፡ ፍሬ-ከርሥኪ፡ ተፈሥሒ፡ ፍሥሕት፡ አ፡ ምልእተ-ጸጋ፡ እግዚአብሔር፡ ምስሌኪ፡ ሰአሊ፡ ውጸልዩ፡ ምሕረት፡ በእንቲአነ፡ ኅብ-ፍቁር፡ ወልድኪ፡ ኢየሱስ ፡ ክርስቶስ፡ ከመ-ይሥረይ፡ ለነ፡ ኃጣውኢነ።

ጸሎተ-ሃይማኖት፡ ነአምን፡ በአሐዱ፡ አምላክ፡ እግዚአብሔር፡ አብ፡ አኃዜ-ኩሉ፡ ገባሬ-ሰማያት፡ ወምድር፡ ዘያስተርኢ፡ ወዘኢያስተርኢ፡ ወነአምን፡ በአሐዱ፡ እግዚአ፡ ኢየሱስ ፡ ክርስቶስ፡ ወልደ-አብ፡ ዋሕድ፡ ዘህልወ፡ ምስሌሁ፡ እምቅድመ-ይትፈጠር፡ ዓለም፡ ብርሃን፡ ዘእምብርሃን፡ አምላክ፡ ዘእምአምላክ፡ ዘበእማን፡ ዘተወልደ፡ ወአኩ፡ ዘተገብረ፡ ዘዕሩይ፡ ምስለ-አብ፡ በመለኮቱ፡ ዘቡቱ፡ ኩሉ፡ ኮነ፡ ወዘእንበሌሁሰ፡ አልቦ፡ ዘኮነ፡ ወኢምንትነ፡ ዘበሰማይኒ፡ ወዘበምድርኒ፡ ዘበእንቲአነ፡ ለሰብእ፡ ወበእንተ-መድኃኒትነ፡ ወረደ፡ እምሰማያት፡ ተሰብአ፡ ወተሰገወ፡ እምመንፈስ-ቅዱስ፡ ወእም-ማርያም፡ እም-ቅድስት፡ ድንግል፡ ኮነ፡ ብእሴ፡ ወተሰቅለ፡ በእንቲአነ፡ በመዋዕለ-ጲላጦስ፡ ጳጌጤናዊ፡ ሐመ፡ ወሞተ፡ ወተቀበረ፡ ወተንሥእ፡ እመታን፡ እመ-ሣልስት፡ ዕለት፡ በከመ-ጽሑፍ፡ ውስተ-ቅዱሳት፡ መጻህፍት፡ ዐርገ፡ በስብሐት፡ ውስተ-ሰማያት፡ ወነበረ-በየማነ፡ አቡሁ፡ ዳግመ፡ ይመጽእ፡ በስብሐት፡ ይኮንን፡ ሕያዋነ፡ ወመታን፡ ወአልቦ፡ ማኅለቅት፡ ለመንግሥቱ፡ ወነአምን፡ በመንፈስ-ቅዱስ፡ እግዚአ፡ ማኅየዊ፡ ዘሠረጸ፡ እም-አብ፡ ንስግድ፡ ሎቱ፡ ወንሰብሐ፡ ምስለ-አብ፡ ወወልድ፡ ዘነበቡ፡ በነብያት፡ ወነአምን፡ በአሐቲ፡ ቅድስት፡ ቤተ-ክርስቲያን፡ እንተ-ላእለ-ኩሉ፡ ጉባኤ፡ ዘሐዋሪያት፡ ወነአምን፡ በአሐቲ፡ ጥምቀት፡ ለሥርየት-ኃጢአት፡ ወንሴ፡ ትንሣኤ፡ መታን፡ ወሕይወተ፡ ዘይመጽእ፡ ለዓለሙ-ዓለም።

ቅዱስ፡ ቅዱስ፡ ቅዱስ፡ እግዚአብሔር፡ ጸባዖት፡ ፍጹም፡ ምሉዕ፡ ሰማያት፡ ወምድር፡ ቅድሳተ-ስብሐቲከ። ንስግድ፡ ለኩ፡ ክርስቶስ፡ ምስለ-አቡኩ፡ ኄር፡ ሰማያዊ፡ ወመንፈስከ፡ ቅዱስ፡ ማኅየዊ፡ እስመ-መጻእኩ፡ ወአድኃንከ።

እስግድ፡ ለአቡ፡ ወወልድ፡ ወመንፈስ-ቅዱስ፡ አሐተ፡ ሰግደተ(ሰልስተ-ጊዜ-በል)፡ እንዘ-አሐዱ፡ ሠለስቱ፡ ወእንዘ-ሠለስቱ፡ አሐዱ፡ ይሢለሰ፡ በአካላት፡ ወይትዋሐዱ፡ በመለኮት። እስግድ፡ ለእግዝእትነ፡ ማርያም፡ ድንግል፡ ወላዲተ-አምላክ። ፡ እስግድ፡ ለመስቀለ-እግዚእነ፡ ኢየሱስ ፡ ክርስቶስ፡ ዘተቀደስ፡ በደሙ፡ ከቡር። ፡ መስቀል፡ ኃይልነ፡ መስቀል፡ ጽንዕነ፡ መስቀል፡ ቤዛነ፡ መስቀል፡ መድኃኒተ-ነፍስነ፡ አይሁድ፡ ከሕዱ፡ ንሕነስ አመነ፡ ወእለ-አመነ፡ በኃይለ-መስቀሉ፡ ድነነ።

ስብሐት፡ ለአብ፡ ስብሐት፡ ለወልድ፡ ስብሐት፡ ለመንፈስ-ቅዱስ(ሰልስተ-ጊዜ-በል)፡ ስብሐት፡ ለእግዝእትነ፡ ማርያም፡ ድንግል፡ ወላዲተ-አምላክ፡ ስብሐት፡ ለመስቀለ-እግዚእነ፡ ኢየሱስ ፡ ክርስቶስ፡ በምሕረቱ፡ ይዘከረን፡ እመ-ዳግም፡ ምጽአቱ፡ ኢያስተኅፍረነ። ለስብሐተ-ስሙ፡ ያንቅህነ፡ ወበአምልኮቱ፡ ያጽንኦነ፡ እግዝእትነ፡ ማርያም፡ ድንግል፡ ወላዲተ-አምላክ፡ አዕርጊ፡ ጸሎተነ፡ ወእስተሥርዩ፡ ኃጢአተነ፡ ቅድመ-መንበሩ፡ ለእግዚእነ፡ ለዘአብልዐነ፡ ዘንተ፡ ኅብስተ፡ ወለዘእስተየነ፡ ዘንተ፡ ጽዋዓ፡ ወለዘሠርዐ፡ ለነ፡ ሲሳየነ፡ ወአራዘነ፡ ወለዘተዐገሠ፡ ለነ፡ ኹሉ፡ ኃጢአተነ፡ ወለዘወሀበነ፡ ሥጋሁ፡ ቅዱሱ፡ ወደሞ፡ ከቡረ፡ ወለዘአብጽሐነ፡ እስከ-ዛቲ፡ ሰዓት፡ ነሀብ፡ ሎቱ፡ ስብሐተ፡ ወአኩ፡ ለእግዚአብሔር፡ ልዑል፡ ወለወላዲቱ፡ ድንግል፡ ወለመስቀሉ፡ ከቡር፡ ይትአከቡ፡ ወይሰባሕ፡ ስሙ፡ ለእግዚአብሔር፡ ወትረ፡ ብኩሉ፡ ጊዜ፡ ወበኩሉ፡ ሰዓት።

ሰላም፡ ለኪ፡ እንዘ-ንስግድ፡ ንብለኪ፡ ማርያም፡ እምነ፡ ናስተበቀዑኪ። እምአርቄ፡ ነዓዊ፡ ተማህፀነ፡ ብኪ፡ በእንተ-ሐና፡ እምኪ፡ ወኢያቄም፡ አቡኪ፡ ማኅበረኑ፡ ዮም፡ ድንግል፡ ባርኪ።

ጸሎት-እግዝእትነ፡ ማርያም፡ ድንግል፡ ወላዲተ፡ አምላክ። ፡ ታዑብዮ፡ ኑብስዮ፡ ለእግዚአብሔር፡ ወትትኃሠይ፡ መንፈስዮ፡ በአምላኪዮ፡ ወመድኃንዮ፡ እስመ-ርእዮ፡ ሕማማ፡ ለአመቱ፡ ናሁ፡ እምይእዜሰ፡ ያስተበዕዑኒ፡ ኩሉ፡ ትወልድ፡ እስመ-ገብረ፡ ሊተ፡ ኃይለ፡ ዐቢያተ፡ ወቅዱስ፡ ስሙ፡ ወሣህሉኒ፡ ለትውልድ-ትወልድ፡ ለእለ-ይፈርህዎ፡ ወገብረ፡ ኃይለ፡ በመዝራዕቱ፡ ወዘረዎሙ፡ ለእለ-ያዑብዮ፡ ሕሊና-

ልበሙ። ወንሡቸውም፣ ለኃያላንን እመናብርቲሆሙ፣ አዕባይሙ፣ ለትሑታንን፣ ወአጽገበሙ፣ እምበረከቱ፣ ለርኅባንን፣ ወፈነዎሙ፣ ዕራቆሙ፣ ለብዑላንን፣ ወተወከፎ፣ ለእስራኤል፣ ቀጥልኤሁ፣ ወተዘከረ፣ ሃህሎ፣ ዘይቤሎሙ፣ ለአባዊን፣ ለአብርሃም፣ ወለዘርኤ፣ እስከ-ለዓለም።።

**ዉዳሴሃ፣ ለእግዝእትን፣ ማርያም፣ ድንግል፣ ወላዲተ-አምላክ፣ ዘይትነበብ፣ በዕለተ-ሰኑይ።።**

ፈቀድ፣ እግዚእ፣ ያግእዙ፣ ለአዳም፣ ኅዙን፣ ወትኩዘ-ልብ፣ ወያግብኦ፣ ኅበ-ዘትካት፣ መንበሩ።። ሰአሊ፣ ለኑ፣ ቅድስት።።

ሠረቀ፣ በሥጋ፣ እምድንግል፣ ዘእንበለ-ዘርኤ-በእሲ፣ ወአድኅነነ፣ ለሔዋን፣ እንተ-አስሐታ፣ ከይሲ፣ ፈትሐ፣ ላዕሌላ፣ እግዚእ-ብሔር፣ እንዘ-ይብል፣ ብዙን፣ አብዝኖ፣ ለሕማምኪ፣ ወለፃዕርኪ፣ ሠምረ፣ ልቡ፣ ኅበ-ፍቅረ-ሰብእ፣ ወአግአዛ።። ሰአሊ፣ ለኑ፣ ቅድስት።።

**ኢየሱስ** ፣ **ክርስቶስ** ፣ ቃል፣ ዘተሰብኦ፣ ወኅደረ፣ ላዕሌን፣ ወርኢን፣ ስብሐቲሁ፣ ከመ-ስብሐተ-አሐዱ፣ ዋሕድ፣ ለአቡሁ፣ ሠምረ፣ ይሣሃለን።። ሰአሊ፣ ለኑ፣ ቅድስት።።

ርእየ፣ ኢሳይያስ፣ ነቢይ፣ በመንፈሰ-ትንቢት፣ ምሥጢር፣ ለአማኑኤል፣ ወበእንተዝ፣ ጸርሐ፣ እንዘ-ይብል፣ ሕፃን፣ ተወልደ፣ ለኑ፣ ወልድ፣ ተወህበ፣ ለኑ።። ሰአሊ፣ ለኑ፣ ቅድስት።።

ተፈሣሕ፣ ወተኅሠይ፣ ኦ፣ ዘመደ-እጓለ-እመ-ሕያዉ፣ እስመ-አፍቀሮ፣ እግዚእ-ብሔር፣ ለዓለም፣ ወመጠወ፣ ወልዶ፣ ዋሕድ፣ ከመ-ይሕየዉ፣ ኩሉ፣ ዘየአምን፣ ቡቱ፣ እስከ-ለዓለም፣ ፈነው፣ ለኑ፣ መዝራዕቶ፣ ልዑላ።። ሰአሊ፣ ለኑ፣ ቅድስት።።

ዘሀሎ፣ ወይሄሉ፣ ዘመጽኦ፣ ወካዕበ፣ ይመጽእ፣ **ኢየሱስ** ፣ **ክርስቶስ** ፣ ቃል፣ ዘተሰብኦ፣ እምኔኪ፣ ዘእንበለ-ወላጤ፣ ኮነ፣ ፍጹመ፣ ሰብኦ፣ ኢተበዐደ፣ ወኢተፈልጠ፣ በኩሉ፣ ግብሩ፣ ወልድ፣ ዋሕድ፣ አላ፣ አሐዱ፣ ራእይ፣ ወአሐዱ፣ ህላዌ፣ ወአሐዱ፣ መለኮት፣ ዘ **እግዚእ-ብሔር**፣ ቃል።። ሰአሊ፣ ለኑ፣ ቅድስት።።

ተፈሥሒ፣ ኦ፣ ቤተ-ልሔም፣ ሀገርሙ፣ ለነቢያት፣ እስመ-በኅቤኪ፣ ተወልደ፣ **ክርስቶስ**፣ ዳግማይ፣ አዳም፣ ከመ-ያግብኦ፣ ለአዳም፣ ቀዳሚ፣ ብእሲ፣ እምድር፣ ዉስተ-ገነት፣ ይስዐር፣ ፍትሐ-ሞት።። ኦ፣ አዳም፣ መሬት፣ አንተ፣ ወትገብእ፣ ዉስተ-መሬት።። ኅበ-ሀለወት፣ ብዝኅት፣ ኃጢአት፣ በህየ፣ ትበዝኅ፣ ጸጋ-**እግዚእ-ብሔር**።። ሰአሊ፣ ለኑ፣ ቅድስት።።

ትትፈሣሕ፣ ወትትኅሠይ፣ ኩሉ፣ ነፍሱተ-ሰብእ፣ ምስለ-መላእክት፣ ይሴብሐዎ፣ **ለክርስቶስ**፣ ንጉሥ፣ ይጸርሐ፣ ወይብሉ፣ ስብሐት፣ **ለእግዚእ-ብሔር**፣ በሰማያት፣ ወሰላም፣ በምድር፣ ሥምረቱ፣ ለሰብእ፣፣ እስመ-ስዐረ፣ ዘትካት፣ ወነሠተ፣ ምክሮ፣ ለጸላዒ፣ ወሠጠጠ፣ መጽሐፈ-ዕዳሆሙ፣ ለአዳም፣ ወለሔዋን፣ ወረሰዮሙ፣ አግዓዝያነ፣ ዘተወልደ፣ ለኑ፣ በሀገረ-ዳዊት፣ መድኃኒት፣ **ኢየሱስ** ፣ **ክርስቶስ**።። ሰአሊ፣ ለኑ፣ ቅድስት።።

ብርሃን፣ ዘበአማን፣ ዘያበርህ፣ ለኩሉ፣ ሰብእ፣ ለእለ-ይነብሩ፣ ዉስተ-ዓለም፣ በእንተ-ፍቅረ-ሰብእ፣ መጻእከ፣ ዉስተ-ዓለም፣ ወኩሉ፣ ፍጥረት፣ ተፈሥሐ፣ በምጽኦትከ፣ እስመ-አድኅነከ፣ ለአዳም፣ እምስሐተት፣ ወረሰይካ፣ ለሔዋን፣ አግአዚተ፣ እምጸዕረ-ሞት፣ ወወሀብከን፣ መንፈሰ-ልደት።። ባረክናከ፣ ምስለ-መላእክቲከ።። ሰአሊ፣ ለኑ፣ ቅድስት።።

**ዉዳሴሃ፣ ለእግዝእትን፣ ማርያም፣ ድንግል፣ ወላዲተ-አምላክ፣ ዘይትነበብ፣ በዕለተ-ሠሉስ።።**

አክሊለ-ምክሕን፣ ወቀዳሚተ-መድኃኒትን፣ ወመሠረተ-ንጽሕን፣ ኮነ፣ በ**ማርያም**፣ ድንግል፣ እንተ-ወለደት፣ ለኑ፣ ዘ**እግዚእ-ብሔር**፣ ቃለ-አብ፣ ዘኮነ፣ ሰብኦ፣ በእንተ-መድኃኒትን፣፣ እምድኅረ-ኮነ፣ ሰብኦ፣ ጥዩቀ፣ አምላክ፣ ፍጹም፣ ዉእቱ፣ ወበእንተዝ፣ ወለደቶ፣ እንዘ-ድንግል፣ ይእቲ።። መንክር፣ ኃይለ-ወሊዶታ፣ ዘኢይትነገር።። ሰአሊ፣ ለኑ፣ ቅድስት።።

እስመ-በፌቃዱ፣ ወበሥምረተ-አቡሁ፣ ወመንፈሰ-**ቅዱስ**፣ መጽኦ፣ ወአድኅነነ፣ ዐቢይ፣ ዉእቱ፣ ስብሐተ-ድንግልናኪ፣ ኦ፣ **ማርያም**፣ ድንግል፣ ፍጽምት፣ ረከብኪ፣ ሞገሰ፣ **እግዚእ-ብሔር**፣ ምስሌኪ፣ አንቲ፣ ዉእቱ፣ ሰዋስዉ፣ ዘርእየ፣ ያዕቆብ፣ እምድር፣ ዘይበጽሕ፣ እስከ፣ ሰማይ፣ ወመላእክተ-**እግዚእ-ብሔር**፣ የዐርጉ፣ ወይወርዱ፣ ዉስቴታ።። ሰአሊ፣ ለኑ፣ ቅድስት።።

አንቲ፣ ዉእቱ፣ ዕፅ፣ ዘርእየ፣ ሙሴ፣ በነደ፣ እሳት፣ ወኢትወዒ፣ ዘዉእቱ፣ ወልደ-**እግዚእ-ብሔር**፣ መጽኦ፣ ወኅደረ፣ ዉስተ-ከርሥኪ፣ ወእሳተ-መለኮቱ፣ ኢያዉዳየ፣ ሥጋኪ።። ሰአሊ፣ ለኑ፣ ቅድስት።።

አንቲ፣ ዉእቱ፣ ገራህት፣ ዘኢተዘርኦ፣ ዉስቴታ፣ ዘርእ፣ ወጽኦ፣ እምኔኪ፣ ፍሬ-ሕይወት፣ አንቲ፣ ዉእቱ፣ መዝገብ፣ ዘተሣየጠ፣ ዮሴፍ፣ ወረከበ፣ በዉስቴታ፣ ባሕርየ፣ ዕንቄ፣ ከቡረ፣ ዘዉእቱ፣ መድኃኒት፣ **ኢየሱስ** ፣ **ክርስቶስ**፣ ተጻዉረ፣ በከርሥኪ፣ ወወለድኪየ፣ ዉስተ-ዓለም።። ሰአሊ፣ ለኑ፣ ቅድስት።።

ተፈሥሒ፣ ኦ፣ ወላዲተ-እግዚእ፣ ኃሄቶሙ፣ ለመላእክት፣ ተፈሥሒ፣ ኦ፣ ንጽሕት፣ ዜናሆሙ፣ ለነቢያት።። ተፈሥሒ፣ እስመ-ረከብኪ፣ ሞገሰ፣ **እግዚእ-ብሔር**፣ ምስሌኪ።። ተፈሥሒ፣ እስመ-ተወከፍኪ፣ ቃሎ፣ ለመልእክ፣ ፍሥሐ-ኩሉ፣ ዓለም።። ተፈሥሒ፣ ኦ፣ ወላዲተ-

ፈጣሬ-ኩሉ፤ ዓለም። ስሐሊ፣ ለኑ ቅድስት።።

ተፈሥሒ፣ እስመ-ድልወ፣ ተሰመይኪ፣ ኦ፣ ወላዲተ-አምላክ፣ ተፈሥሒ፣ ኦ፣ መድኃኒታ፣ ለሐዋን።፣ ተፈሥሒ፣ እንተ-አጥበወኪ፣ ሐሊቡ፣ ለዘይሴስዮ፣ ለኩሉ፣ ፍጥረት።። ተፈሥሒ፣ ኦ፣ ቅድስት።። እምሙ፣ ለኩሉ፣ ሕያዋን፣ ናንቀዐዱ፣ ኅቤኪ፣ ትስሐሊ፣ በእንቲአነ፣ ስሐሊ፣ ለኑ ቅድስት።።

ኦ፣ ድንግል፣ ኦ፣ ቅድስት።። ኦ፣ ወላዲተ-እግዚእ፣ እስመ-ወለድኪ፣ ለኑ፣ ንጉሡ፣ መንክር፣ ምሥጢር፣ ኅደረ፣ ላዕሌኪ፣ ለመድኃኒተ-ዚአነ፣ ናርምም፣ እስመ-ኢንክል፣ ፈጽሞ፣ ጥንቁቅ፣ ነገረ፣ በእንተ-ዕበዮ፣ ለወእቱ፣ ገባሬ-ሠናያት፣ በብዙኅ፣ መንክር፣ ራእይ።። ስሐሊ፣ ለኑ ቅድስት።።

ቃለ-አብ፣ ሕያወ፣ ዘወረደ፣ ወስተ-ደብረ-ሲና፣ ወወህበ፣ ሕገ፣ ለሙሴ፣ ወከደነ፣ ርእሰ-ደብር፣ በጊሜ፣ ወጢስ፣ በጽልመት፣ ወነፋስ፣ ወበድምፁ-ቃለ-አቅርጎት፣ ይጌሥፁ፣ ለአለ-ይቀወሙ፣ በፍርሃት።። ስሐሊ፣ ለኑ ቅድስት።።

ወእቱክ፣ ዘወረደ፣ ኅቤኪ፣ ኦ፣ ደብር፣ ነባቢት፣ በትሕትና፣ መፍቀሬ-ሰብእ፣ ተሰብአ፣ እምኔኪ፣ ዘእንበለ-ወላጤ፣ ፍጹመ-ሥጋ፣ ነባቢ፣ ዘከማ፣ በመንፈስ-ጥበብ፣ አምላክ፣ ኅደረ፣ ላዕሌሃ፣ ኮነ፣ ሰብአ፣ ከሙ-ያድኅኖ፣ ወይሥረይ፣ ኃጢአቶ፣ ለአዳም፣ ወያንብሮ፣ ወስተ-ሰማያት፣ ወያግብአ፣ ኅብ-ዘትካት፣ መንበሩ፣ በዕበዮ-ሣህሉ፣ ወምሕረቱ።። ስሐሊ፣ ለኑ ቅድስት።።

ዕበያ፣ ለድንግል፣ ኢይትከሃል፣ ለተነግሮ፣ እስመ-እግዚእ፣ ኅረያ፣ መጽአ፣ ወኅደረ፣ ላዕሌሃ፣ ዘየኅድር፣ ወስተ-በርሃን፣ ኅብ-አልቡ፣ ዘይቀርቦ፣ ተጻወረ፣ በከርሣ፣ ፱ተ-(ተሰዓተ)፣ አወራጋ፣ ዘኢይትረአይ፣ ወዘኢይትዐወቅ፣ ወለደቶ **ማርያም**፣ እንዝ፣ ድንግል፣ ይእቲ።። ስሐሊ፣ ለኑ ቅድስት።።

ዘወእቱ፣ ዕብን፣ ዘርእዮ፣ ዳንኤል፣ ነቢይ፣ ዘተበትከ፣ እምደብር፣ ነዋኅ፣ ዘእንበለ-እድ፣ ዘወእቱ፣ ቃል፣ ዘወጽአ፣ እምነብ-አብ፣ መጽአ፣ ወተሰብአ፣ እምድንግል፣ ዘእንበለ-ዘርዐ-በእሲ፣ ወኢድኅነነ።። ስሐሊ፣ ለኑ ቅድስት።።

ኮንኪ፣ አጽቀ፣ ንጹሐ፣ ወሙዳየ-አሚን።። ርትዕት፣ ሃይማኖቶሙ፣ ለቅዱሳን፣ አበዊነ።። ኦ፣ ንጽሕት፣ ወላዲተ-አምላክ፣ ድንግል፣ ኅትምት፣ ወለድኪ፣ ለኑ ቃለ-አብ፣ **ኢየሱስ ፣ ክርስቶስ**፣ መጽአ፣ ለመድኃኒትነ።። ስሐሊ፣ ለኑ ቅድስት።።

አንቲ፣ እሙ፣ ለብርሃን፣ ክብርት፣ ወላዲተ-እግዚእ፣ እንተ-ዖርኪዮ፣ ሊቃል፣ ዘኢይትረአይ፣ እምድኅረ-ወለድኪ፣ ኪያሁ፣ ነበርኪ፣ በድንግልና፣ በስብሐት፣ ወበባርኮት፣ ያዐብዮኪ።። ስሐሊ፣ ለኑ ቅድስት።።

አይ፣ ልሳን፣ ዘይክል፣ ነቢብ፣ ዘይትናገር፣ በእንቲአኪ፣ ኦ፣ ድንግል፣ ንጽሕት፣ እሙ፣ ሊቃለ-አብ፣ ኮንኪ፣ መንበሮ፣ ለንጉሥ፣ ለዘይፀወርዎ፣ ኪሩቤል፣ ናስተበፅዐኪ፣ ኦ፣ ቡርክት፣ ወንዘክር፣ ስመኪ፣ በኩሉ፣ ትወልድ-ትወልድ፣ ኦ፣ ርግብ፣ ሠናይት፣ እሙ፣ ለእግዚእነ፣ **ኢየሱስ ፣ ክርስቶስ**።። ስሐሊ፣ ለኑ ቅድስት።።

ተፈሥሒ፣ ኦ፣ **ማርያም**፣ እም፣ ወአመት፣ እስመ-ለዘወሰተ-ሕፅንኪ፣ ይሴብሕዎ፣ መላእክት፣ ወኪሩቤል፣ ይሰግዱ፣ ሎቱ፣ በፍርሃት፣ ወሰራፌል፣ ዘእንበለ-ጽርሀት።። ፣ ይሰፍሐ፣ ክነፊሆሙ፣ ወይብሉ፣ ዝንቱ፣ ወእቱ፣ ንጉሡ-ስብሐት።። መጽአ፣ ይሥረይ፣ ኃጢአተ-ዓለም፣ በዕበዮ-ሣህሉ።። ስሐሊ፣ ለኑ ቅድስት።።

## ወዳሴሃ፣ ለእግዝእትነ **ማርያም**፣ ድንግል፣ ወላዲተ-አምላክ፣ ዘይትነብብ፣ በዕለተ-ረቡዕ፣

ኩሉ፣ ሠራዊተ-ሰማያት፣ ይብሉ፣ ብፅዕት፣ አንቲ፣ ሰማይ፣ ዳግሚት-ዲብ፣ ምድር፣ ጥንተ፣ ምሥራቅ፣ **ማርያም**፣ ድንግል፣ ክብካብ፣ ንጹሕ፣ ወመርዓ፣ **ቅዱስ**፣ ነጻረ፣ አብ፣ እምሰማይ፣ ወኢረከበ፣ ዘከማኪ፣ ፈነወ፣ ዋሕዶ፣ ወተሰብአ፣ እምኔኪ።። ስሐሊ፣ ለኑ ቅድስት።።

ኩሉ፣ ትወልድ፣ ያስተበፅዐኪ፣ ለኪ፣ ለባሕቲትኪ፣ ኦ፣ እግዝእትነ፣ ወላዲተ-አምላክ፣ ተነበዩ፣ ላዕሌኪ፣ ዐቢያተ፣ ወመንክራተ፣ ኦ፣ ሀገረ-**እግዚአብሔር**፣ እስመ-ኮንኪ፣ አንቲ፣ ማኅደረ፣ ለፍሡሐን፣ ኩሉሙ፣ ነገሥተ-ምድር፣ ዮሐወሩ፣ በብርሃንኪ፣ ወአሕዛብኒ፣ በጸዳልኪ፣ ኦ፣ **ማርያም**፣ ኩሉ፣ ትወልድ፣ ያስተበፅዐኪ፣ ወይሰግዱ፣ ለዘተወልደ፣ እምኔኪ፣ ወያዐብይዎ።። ስሐሊ፣ ለኑ ቅድስት።።

አንቲ፣ ዘበአማን፣ ደመና፣ እንተ-አስተርአይኪ፣ ለኑ፣ ማየ-ዝናም፣ ትእምርተ-ዋሕዱ፣ ረሰዩኪ፣ አብ፣ መንፈስ-**ቅዱስ**፣ ኅደረ፣ ላዕሌኪ፣ ወኃይለ-ልዑል፣ ጸለለኪ፣ ኦ፣ **ማርያም**፣ አማን፣ ወለድኪ፣ ቃለ፣ ወልደ-አብ፣ ዘይነብር፣ ለዓለም፣ መጽአ፣ ወኢድኅነነ፣ እምኃጢአት፣ ዐቢይ፣ ወእቱ፣ ክብር፣ ዘተወህበ፣ ለክ፣ ኦ፣ **ገብርኤል**፣ መልአክ፣ ዜናዊ፣ ፍሡሐ-ገጽ፣ ሰበከ፣ ለኑ ልደተ፣ እግዚእ፣ ዘመጽአ፣ ኅቤነ፣ ወክብሠርካ፣ ለ**ማርያም**፣ ድንግል፣ ዘእንበለ-ርስሐት፣ ወትቤላ፣ ተፈሥሒ፣ ኦ፣ ምልእተ-ጸጋ፣ **እግዚአብሔር**፣ ምስሌኪ።። ስሐሊ፣ ለኑ ቅድስት።።

ረከብኪ፥ ጸጋ መንፈስ

**ቅዱስ** ጎደረ፥ ላዕሌኪ፥ ወኃይለ፥ ልዑል፥ ጸለለኪ፥ ኦ **ማርያም** አማን፥ ወለድኪ፥ ቅዱስ፥ መድኅኒ፥ ለኩሉ፥ ዓለም፥ መጽአ፥ ወኢድኅነነ።  
፥ ሰአሊ፥ ለኑ፥ ቅድስት።።

ግብረ-ድንግል፥ ይሴብሕ፥ ልሳንነ፥ ዮም፥ ንወድሳ፥ ለ**ማርያም** ወላዲተ-አምላክ፥ በእንተ-ዘተወልደ፥ እምኔሃ፥ በሀገረ-  
ዳዊት፥ እግዚእነ፥ ወመድኃኒነ፥ **ኢየሱስ** ፣ **ክርስቶስ** ንዑ፥ ኩልክሙ፥ አሕዛብ፥ ናስተብፅዓ፥ ለ**ማርያም** እስመ-ኮነት፥ እመ፥ ድንግለ፥ ወጽሙረ።  
፥ ተፈሥሒ፥ ኦ፥ ድንግል፥ ንጽሕት፥ እንተ-አልባቲ፥ ርኸሰ፥ ዘመጽአ፥ ቃለ-አብ፥ ተወሰብእ፥ እምኔሃ፥ ተፈሥሒ፥ ኦ፥ ሙዳይ፥ እንተ-  
አልባቲ፥ ነዉር፥ ፍጽምት፥ ዘአልባ፥ ርከሐት።። ተፈሥሒ፥ ኦ፥ ገነት፥ ነባቢት፥ ማኅደሩ፥ ለ**ክርስቶስ** ዘኮነ፥ ዳግማይ፥ አዳም፥ በእንተ-  
አዳም፥ ቀዳሚ፥ ብእሲ፥ ተፈሥሒ፥ ኦ፥ ፀዋሪቱ፥ ለዋሕድ፥ ለዘኢተፈልጠ፥ እምነፅነ፥ አቡሁ፥ ተፈሥሒ፥ ኦ፥ ከብካብ፥ ንጽሕት፥ ሥርግዉ፥ በኩሉ፥ ስነ-  
ስብሐት፥ መጽአ፥ ወተሰብእ፥ እምኔኪ፥ ተፈሥሒ፥ ኦ፥ ዕፀ-ጳጢ፥ እንተ-ኢያዉዓዖ፥ እሳተ-  
መለኮት፥ ተፈሥሒ፥ ኦ፥ አመት፥ ወእም፥ ድንግል፥ ወሰማይ፥ ሰማያዊ፥ እንተ-ዶረት፥ በሥጋ፥ ዘይጸዐን፥ ዲበ-  
ኪሩቤል፥ ወበእንተዝ፥ ንትፈሣሕ፥ ወንዝምር፥ ምስለ-  
መላእክት፥ ቅዱሳን፥ በፍሥሐ፥ ወበሐሣብ፥ ወንበል፥ ስብሐት፥ ለ**እግዚአብሔር**፥ በሰማያት፥ ወሰላም፥ በምድር፥ ሥምረቱ፥ ለሰብእ፥ እስመ-  
ኪያኪ፥ ሠምረ፥ ዘሎቱ፥ ክብር፥ ወስብሐት።። ሰአሊ፥ ለኑ፥ ቅድስት።።

የዐቢ፥ ክብሩ፥ ለ**ማርያም** እምኩሎሙ፥ ቅዱሳን፥ እስመ-ድልወ፥ ኮነት፥ ለተወከፎ-ቃለ-  
አብ፥ ዘይፈርህዎ፥ መላእክት፥ ወየአኩትዎ፥ ትጉሃን፥ በሰማያት፥ ዶረቶ፥ **ማርያም** ድንግል፥ በከርሣ፥ ይእቲ፥ ተዐቢ፥ እምኪሩቤል፥ ወትፈደፍድ፥ አም  
ሱራፊል፥ እስመ-ኮነት፥ ታቦተ፥ ለአሕዱ፥ ዘእምቅድስት፥ ሥላሴ፥ ዛቲ፥ ይእቲ፥ ኢየሩሳሌም፥ ሀገሮሙ፥ ለነቢያት፥ ወማኅደረ-  
ፍሥሐሆሙ፥ ለኩሎሙ፥ ቅዱሳን፥ ሕዝብ፥ ዘይነብር፥ ዉስተ-ጽልመት፥ ወጽላሎተ-  
ሞት፥ ብርሃን፥ ዐቢይ፥ ሠረቀ፥ ላዕሌሆሙ፥ **እግዚአብሔር**፥ ዘየዐርፍ፥ በቅዱሳኒሁ፥ ተሰብእ፥ እምድንግል፥ መድኃኒተ-  
ዚአነ፥ ንዑ፥ ርእዮ፥ ዘንተ፥ መንከረ፥ ወዘምር፥ ዘምሩ፥ በእንተ-ምሥጢር፥ ዘተከሥተ፥ ለኑ፥ እስመ-  
ዘኢይስባእ፥ ተሰብእ፥ ቃል፥ ተደመረ፥ ወዘአልቡ፥ ጥንት፥ ኮነ፥ ቅድመ፥ ወለዘአልቡ፥ መዋዕል፥ ኮነ፥ ሎቱ፥ መዋዕል፥ ዘኢይትዐወቅ፥ ተከሥተ፥ ወዘኢይ  
ትረአይ፥ ተርእዮ፥ ወልደ-**እግዚአብሔር**፥ ሕያዉ፥ ጥዩቀ፥ ኮነ፥ ሰብእ፥ **ኢየሱስ** ፣ **ክርስቶስ** ዘትማልም፥ ወዮም፥ ወክሙ፥ ዉእቱ፥ እስከ-  
ለዓለም፥ አሐዱ፥ ህላዌ፥ ሎቱ፥ ንስግድ፥ ወንሰብሕ፥ ሰአሊ፥ ለኑ፥ ቅድስት።።

ሕዝቅኤል፥ ነቢይ፥ ኮነ፥ ስምዑ፥ በእንቲአሃ፥ ወይቤ፥ ርኢኩ፥ ጥጥተ፥ በምሥራቅ፥ ጎቱም፥ በዐቢይ፥ መንከር፥ ማኅተም፥ አልቡ፥ ዘቦእ፥ ዘእንበለ-  
እግዚአ-ኃያላን፥ ቦእ፥ ዉስቴታ፥ ወወጽአ፥ ሰአሊ፥ ለኑ፥ ቅድስት።።

ጥጥትሰ፥ ድንግል፥ ይእቲ፥ እንተ-ወለደት፥ ለኑ፥ መድኅኒ፥ እምድኅረ-ወለደት፥ ኪያሁ፥ ነበረት፥ በድንግልና፥ ከመ-ትካት።። ቡሩክ፥ ዉእቱ፥ ፍሬ-  
ከርሥኪ፥ ኦ፥ ወላዲተ-እግዚእ፥ ዘመጽአ፥ ወኢድኅነነ፥ እምእደ-ጸላኢ፥ ዘአልቡ፥ ምሕረት፥ እንቲ፥ ፍጽምት፥ ወቡርክት፥ ረከብኪ፥ ሞገሰ፥ በኅበ-ንጉሠ-  
ስብሐት፥ አምላክ፥ ዘበአማን፥ ለኪ፥ ይደሉ፥ ዕቢይ፥ ወክብር፥ እምኩሎሙ፥ እለ-ይነብሩ፥ ዲበ-ምድር፥ ቃለ-  
አብ፥ መጽአ፥ ወተሰብእ፥ እምኔኪ፥ ወእንሰሰዉ፥ ምስለ-ሰብእ፥ እስመ-መሐሪ፥ ዉእቱ፥ ወመፍቀሬ-  
ሰብእ፥ ሰብእ፥ አድኃነ፥ ነፍሳቲነ፥ በምጽአቱ፥ **ቅዱስ**።። ሰአሊ፥ ለኑ፥ ቅድስት።።

**ዉዳሴሃ፥ ለእግዝእትነ፥ ማርያም፥ ድንግል፥ ወላዲተ-አምላክ፥ ዘይትነብብ፥ በዕለተ-ሐሙስ፥**

ዕፁ፥ እንተ-ርእዮ፥ ሙሴ፥ በነደ-እሳት፥ ዉስተ-ገዳም፥ ወአዕፁቂሃ፥ ኢትዉዒ፥ ትመስል፥ **ማርያም** ድንግል፥ ዘእንበለ-ርከሰ፥ ተሰብእ፥ እምኔሃ፥ ቃለ-  
አብ፥ ወኢያዉዐዖ፥ እሳተ-መለኮቱ፥ ለድንግል፥ እምድኅረ-ወለደቶ፥ ድንግልናሃ፥ ተረከበ፥ ወመለኮቱ፥ ኢተወለጠ፥ ኮነ፥ ወልደ-እጓለ-  
እመሕያዉ፥ አምላክ፥ ዘበአማን፥ መጽአ፥ ወኢድኃነነ።። ሰአሊ፥ ለኑ፥ ቅድስት።።

ናዐብየኪ፥ ኩልኩ፥ ኦ፥ እግዝእትነ፥ ወላዲተ-አምላክ፥ እስመ-ሣህልኪ፥ ይኩን፥ ላዕለ-ከኩልነ፥ ትምክህተ-ኩልነ፥ ድንግል፥ **ማርያም** ወላዲተ-  
አምላክ፥ ዘበእንቲአሃ፥ ተስዕረ፥ ዘቀዳሚ፥ መርገም፥ እንተ-ኅደረት፥ ዲበ-ዘመድነ፥ በዕልወት፥ ዘገብረት፥ ብእሲት፥ በልዑት፥ እምዕፅ፥ በእንተ-  
ሔዋን፥ ተዐፅወ፥ ጥጥተ-ገነት፥ ወበእንተ-**ማርያም** ድንግል፥ ተርኅወ፥ ለኑ፥ ዳግመ፥ ከፈለነ፥ ንብላዕ፥ እምዕፅ-  
ሕይወት፥ ዘዉእቱ፥ ሥጋሁ፥ ለ**ክርስቶስ** ወደሙ፥ ክቡር፥ በእንተ-ፍቅረ-  
ዚአነ፥ መጽአ፥ ወኢድኅነነ፥ አይ፥ ልቡና፥ ወአይ፥ ነቢብ፥ ወአይ፥ ሰሚዕ፥ ዘይክል፥ አእምሮ-  
ዝንቱ፥ ምሥጢር፥ መንከራተ፥ ዘይትነብብ፥ ላዕሌሃ፥ **እግዚአብሔር**፥ መፍቀሬ-ሰብእ፥ አሐዱ፥ ዉእቱ፥ ባሕቲቱ፥ ቃለ-አብ፥ ዘሀሎ፥ እምቅድሙ-  
ዓለም፥ በመለኮቱ፥ እንበለ-ሙስና፥ እምአሐዱ፥ አብ፥ መጽአ፥ ወተሰብእ፥ ወልደ፥ ዋሕድ፥ እምቅድስት፥ እሙ፤፥ እምድኅረ-  
ወለደቶ፥ ኢማሰነ፥ ድንግልናሃ፥ ወበእንተዝ፥ ግህደ፥ ኮነት፥ ከመ-ወላዲተ-አምላክ፥ ይእቲ፥ ኦ፥ ዕመቅ፥ ብዕለ-  
ጥበቡ፥ ለ**እግዚአብሔር**፥ ከርሥ፥ ዘፈትሐ፥ ላዕሌሃ፥ ትለድ፥ በገዕር፥ ወሕማም፥ ወሐዘነ-ልብ፥ ወኮነት፥ ፈልፈለ-ሕይወት፥ ወወለደት፥ ዘእንበለ-ዘርእ-  
ብእሲ፥ ዘይስዕር፥ መርገመ፥ እምዘመድነ፥ ወበእንተዝ፥ ንሰብሐ፥ እንዘ-ንብል፥ ስብሐት፥ ለኩ፥ ኦ፥ መፍቀሬ-ሰብእ፤፥ ፔር፥ ወመድኃኔ-ነፍሳቲነ።።  
፥ ሰአሊ፥ ለኑ፥ ቅድስት።።

ኦ፥ ዝ፥ መንከር፥ ወዕፁብ፥ ኃይለ-ከርሣ፥ ለድንግል፥ ወላዲተ-አምላክ፥ ዘእንበለ-ዘርእ፥ ስምዑ፥ ኮነ፥ መልአክ፥ ዘአስተርእዮ፥ ለዮሴፍ፥ እንዘ-  
ይብል፥ ከመዝ፥ እስመ-ዘይትወለድ፥ እምኔሃ፥ እመንፈስ-**ቅዱስ**፥ ቃለ-**እግዚአብሔር**፥ ዉእቱ፥ ተሰብእ፥ ዘእንበለ-  
ዉላጤ፥ ወለደቶ፥ **ማርያም** ምክዕቢተ-



ዝንቱ፡ ፍሰተ፡ ወይቤ፡ ትወልዲ፡ ወልደ፡ ወይሰመይ፡ ዐማኑኤል፡ ዘበትርጓሜሁ፡ **እግዚአብሔር**፡ ምስሌኑ፡ ወዓዲ፡ ይሰመይ፡ **ኢየሱስ** ሀ፡ ዘያድጎኖሙ፡ ለሕዝቡ፡ እምኃጢአቶሙ፡፤ ያድጎኑ፡ በኃይሉ፡ ወይሥረይ፡ ኃጢአተኑ፡ እስመ-ጥዮቀ፡ አእመርናሁ፡ ከመ-

አምላክ፡ ወእቱ፡ ዘኮነ፡ ሰብእ፡ ሎቱ፡ ሰብሐት፡ እስከ-ለዓለም።፡ ኦ፡ ዝ፡ መንከር፡ ልደተ-

አምላክ፡ እ**ማርያም**፡ እምቅድስት፡ ድንግል፡ አግመረቶ፡ ሊቃል፡ ኢቀደሞ፡ ዘርእ፡ ለልደቱ፡ ወኢአማሰነ፡ በልደቱ፡ ድንግልናሃ፡፤ እምኅበ-አብ፡ ወፅኦ፡ ቃል፡ ዘእንበለ-ድካም፡፤ ወእምድንግል፡ ተወልደ፡ ዘእንበለ-ሕማም፡ ሎቱ፡ ሰገዱ፡ ሰብአ-ሰገል፡ አምጽኡ፡ ዕጣነ፡ ከመ-

አምላክ፡ ወእቱ፡ ወርቀ፡ እስመ-ንጉሥ፡ ወእቱ፡፤

፡ ወከርቤ፡ ዘይትወሀብ፡ ለሞቱ፡ ማሕየዊ፡ በእንቲአነ፡ ተወክፊ፡ በፊቃዱ፡ አሐዱ፡ ወእቱ፡ ባሕቲቱ፡ ኄር፡ ወመፍቀሬ-ሰብእ።፡ ሰአሊ፡ ለነ፡ ቅድስት።፡

ኦ፡ ዝ፡ መንከር፡ ነሥ፡ አሐደ፡ ዐፅመ፡ እምገቦሁ፡ ለአዳም፡ ወለሐኮ፡ እምኔሁ፡ ብእሲተ፡ ወኸሎ፡ ፍጥረተ-አጓለ-እመሕያወ፡ ተወህበ፡ እግዚእ፡ ቃለ-አብ፡፡ ተሰብእ፡ እምቅድስት፡ ድንግል፡ ወተሰምየ፡ ዐማኑኤል፡ ወበእንተዝ፡ ንስኣል፡ ኀቤሃ፡ ኸሎ፡ ጊዜ፡ ከመ-ታስተሥሪ፡ በእንቲአነ፡ ኀበ-ፍቁር፡ ወልዳ፡ ኄርት፡ ይእቲ፡ በኀበ-ኸሎሙ፡ ቅዱሳን፡ ወሊቃነ-ጳጳሳት፡ እስመ-

አምጽአት፡ ሎሙ፡ ዘኪያሁ፡ ይጸንሐ፡ ወለነበያትኒ፡ አምጽአት፡ ሎሙ፡ ለዘበእንቲአሁ፡ ተነበዮ፡፤

፡ ወለሐዋርያትኒ፡ ወለደኡ፡ ሎሙ፡ ዘሰበኩ፡ በስሙ፡ ወስተ-ኸሎ፡ አጽናፈ-

ዓለም፡ ለሰማዕት፡ ወለመሃይመናን፡ ወጽኦ፡ እምኔሃ፡ ዘተጋደሎ፡ በእንቲአሁ፡ **ኢየሱስ** ፡ **ክርስቶስ** ፡ ብዕለ-ጸጋ-ጥበብ፡ ዘኢይትዐወቅ።፤

፡ ንኀሥሥ፡ ዕበየ-ሣህለ፡ እስመ-መጽኦ፡ ወኢድጎነነ።፡ ሰአሊ፡ ለነ፡ ቅድስት።፡

መሐለ፡ **እግዚአብሔር**፡ ለዳዊት፡ በጽድቅ፡ ወኢይኔስሕ፡ እስመ-እምፍሬ-ከርሥኩ፡ አነብር፡ ዲበ-መንበርኩ፡ ወሶበ-ተወክፎ፡ ወእቱ፡ ጻድቅ፡ ከመ-እምኔሁ፡ ይትወለድ፡ **ክርስቶስ**፡ በሥጋ፡ ፈቀደ፡ ይኀሥሥ፡ ወይርኩብ፡ ማኅደር፡ **እግዚአብሔር**፡ ቃል፡ ወፈጸመ፡ ዝንተ፡ በዐቢይ፡ ትጋህ፡ ወእምዝ፡ ጸርሐ፡ በመንፈስ፡ ወይቤ፡ ናሁ፡ ሰማዕናሁ፡ በኤፍራታ፡ ወማኅደር፡ ለአምላክ-ያዕቆብ፡ እንተ-ይእቲ፡ ቤተ-ልሔም፡ ዘኀረያ፡ ዐማኑኤል፡ ይትወለድ፡ ወስቴታ፡ በሥጋ፡ ለመድኃኒተ-ዚአነ፡ ካዕበ፡ ይቤላ፡ ካልእ፡ እምነቢያት፡ ወእንቲኒ፡ ቤተ-ልሔም፡ ምድረ-ኤፍራታ፡ ኢትቴሐቲ፡ እምነገሥተ-ይሁዳ።፤ እስመ-እምኔኪ፡ ይወጽእ፡ ንጉሥ፡ ዘይርዕዮሙ፡ ለሕዝብየ፡ እስራኤል፡ ኦ፡ ዝ፡ ነገር፡ ለእሉ፡ እለ-ተነበዮ፡ ዘበኣሐዱ፡ መንፈስ፡ በእንተ-**ክርስቶስ** ሎቱ፡ ሰብሐት፡ ምስለ-ሔር፡ አቡሁ፡ ወመንፈስ-**ቅዱስ**፡ እምይእዜ፡ ወእስከ-ለዓለም።፤

፡ ሰአሊ፡ ለነ፡ ቅድስት።፡

ዳዊት፡ ዘነግሠ፡ ለእስራኤል፡ አመ-ይትነሥኡ፡ ላዕሌሁ፡ ዕልዋን፡ ፈተወ፡ ይስተይ፡ ማየ፡ እምዓዘቅተ-ቤተ-ልሔም፡ ፍጡነ፡ ተንሥኡ፡ መላሕቅተ-ሐራሁ፡ ወተቃተሉ፡ በወስተ-ትዕይንተ-ዕልዋን።፡ ወአምጽኦ፡ ሎቱ፡ ወእተ፡ ማየ፡ ዘፈተወ፡ ይስተይ፡ ወሶበ-ርእየ፡ ወእቱ፡ ጻድቅ፡ ከመ-አጥብዐ፡ ወመጠዉ፡ ነፍሶሙ፡ ለቀትል፡ በእንቲአሁ፡ ከዐወ፡ ወእተ፡ ማየ፡ ወኢሰትየ፡ እምኔሁ፡ ወእምዝ፡ ተኖለቄ፡ ሎቱ፡ ጽድቅ፡ እስከ-ለዓለም፡ አማን፡ መነኩ፡ ሰማዕት፡ ጣዕማ፡ ለዛ፡ ዓለም፡ ወከዓዉ፡ ደሞሙ፡ በእንተ-**እግዚአብሔር**፡ ወተዐገሡ፡ ሞተ፡ መሪረ፡ በእንተ-መንግሥተ-ሰማያት፡ ተሣሃለነ፡ በከመ-ዕበየ-ሣህልከ።፤ ሰአሊ፡ ለነ፡ ቅድስት።፡

ኣሐዱ፡ ዘእምቅድስት፡ ሥላሴ፡ ርእዮ፡ ትሕትናነ፡ አጽነነ፡ ሰማየ-ሰማያት፡ መጽኦ፡ ወኅደረ፡ ወስተ-ከርሡ-ድንግል፡ ወኮነ፡ ሰብኦ፡ ከማነ፡ ዘእንበለ-ኃጢአት፡ ባሕቲታ፡ ወተወልደ፡ በቤተልሔም፡ በከመ-ሰበኩ፡ ነቢያት፡ ኣድኃነነ፡ ወቤዘወነ፡ ወረሰየነ፡ ሐዝበ-ዚአሁ።፤ ሰአሊ፡ ለነ፡ ቅድስት።፡

**ዉዳሴሃ፡ ለእግዝእትነ፡ ማርያም፡ ድንግል፡ ወላዲተ-አምላክ፡ ዘይትነብብ፡ በዕለተ-ዓርብ፡**

ቡርክት፡ አንቲ፡ እምአንስት፡ ወቡሩከ፡ ፍሬ-ከርሥኪ፡ ኦ፡ **ማርያም**፡ ድንግል፡ ወላዲተ-አምላክ፡ ዘእንበለ-ርኸስ፡ ሠረቀ፡ ለነ፡ እምኔኪ፡ ፀሐዮ-ጽድቅ።፡ ወአቅረበነ፡ ታሕተ-ክነፊሁ፡ እስመ-ወእቱ፡ ፈጠረነ፡ ሰአሊ፡ ለነ፡ ቅድስት።፡

ለኪ፡ ለባሕቲትኪ፡ ኦ፡ እግዝእትነ፡ ወላዲተ-አምላክ፡ እመ-ብርሃን፡ አንቲ፡ ናዐብየኪ፡ በስብሐት፡ ወበዉዳሴ፡ ቡርክት፡ አንቲ፡ ተዐብዩ፡ እምሰማይ፡ ወትከብሪ፡ እምድር፡ ወላዕለ-ኩሉ፡ ኀሊናት፡ መኑ፡ ዘይክል፡ ነቢብ፡ ዕበየኪ፡ ወአልበ፡ ዘይመሰል፡ ኪያኪ፡ ኦ፡ **ማርያም**፡ መላእክት፡ ያዐብየኪ፡ ወሱራፌል፡ ይሴብሐኪ፡ እስመ-ዘይነብር፡ ዲበ-ኪሩቤል፡ ወሱራፌል፡ መጽኦ፡ ወኅደረ፡ ወስተ-ከርሥኪ፡ መፍቀሬ-ሰብእ፡ አቅረበነ፡ ኀቤሁ፡ ዘዚአነ፡ ሞተ፡ ነሥኡ፡ ወእንቲአሁ፡ ሕይወተ፡ ወሀበነ፡ ዘሎቱ፡ ክብር፡ ወስብሐት።፡ ሰአሊ፡ ለነ፡ ቅድስት።፡

ቡርክት፡ አንቲ፡ **ማርያም**፡ ወቡሩከ፡ ፍሬ-ከርሥኪ፡ ኦ፡ ድንግል፡ ወላዲተ-አምላክ፡ ምክሐን፡ ለደናግል፡ ዘእምቅድመ-ዓለም፡ ህልዉ፡ ተሰብኦ፡ እምኔኪ፡ ብሉዮ-መዋዕል፡ ወጸፅኦ፡ እምከርሥኪ፡ ሥጋነ፡ ነሥኡ፡ ወመንፈሱ፡ ቅዱስ፡ ወሀበነ፡ ወረሰየነ፡ ዕሩያነ፡ ምስሌሁ፡ በብዝኀ-ኀሩቱ፡ አንቲ፡ ተዐብዩ፡ እምብዙኃት፡ አንስት፡ እለ-ነሥኡ፡ ጸጋ፡ ወክብረ፡ ኦ፡ **ማርያም**፡ ወላዲተ-አምላክ፡ ሀገር፡ መንፈሳዊት፡ ዘኀደረ፡ ላዕሌሃ፡ **እግዚአብሔር**፡ ልዑል፡ እስመ-ዘይነብር፡ ዲበ-ኪሩቤል፡ ወሱራፌል፡ በእራኀኪ፡ ሐቀፍኪዮ፡ ወዘይሴሲ፡ ለኸሉ፡ ዘሥጋ፡ በብዝኀ-ኀሩቱ፡ አኀዙ፡ አጥባተኪ፡ ወጠበወ፡ ሐሊቡ፡ ዘውእቱ፡ አምላክነ፡ መድኃኔ-ኩሉ፡ ይርዕየነ፡ እስከ-ለዓለም፡ ንስግድ፡ ሎቱ፡ ወንሰብሐ፡ እስመ፡ ወእቱ፡ ፈጠረነ።፤ ሰአሊ፡ ለነ፡ ቅድስት።፡

**ማርያም**፡ ድንግል፡ ሙዳየ-ዕፍረት፡ ነቅዑ-ፈልፈለ-ማየ-ሕይወት፡ ፍሬ-ከርሣ፡ ኢድጎነነ፡ ኸሎ፡ ዓለሙ፡ ወሰዐረ፡ እምኔነ፡ መርገመ፡ ወገብረ፡ ሰላሙ፡ ማእከሌ፡ በመስቀሉ፡ ወበትንሣኤሁ፡ ቅድስት፡ አግብኦ፡ ለብእሲ፡ ዳግሙ፡

ወስተ-ገነት። ስላሊ፡ ለኑ፡ ቅድስት።።

**ማርያም**፤ ንጽሕት፤ ድንግል፤ ወላዲተ-አምላክ፤ ማእምንት፤ ስላሊተ-ምሕረት፤ ለወሉደ-ሰብእ፤ ስላሊ፡ ለኑ፡ ኅብ-**ክርስቶስ**፤ ወልድኪ፤ ይሥረይ፤ ኃጢአተኑ፤ ስላሊ፡ ለኑ፡ ቅድስት።።

**ማርያም**፤ ድንግል፤ ትጽርሕ፤ በቤተ-መቅደስ፤ ወትብል፤ የአምር፤ **እግዚአብሔር**፤ ከሙ-አልብዮ፤ ዘአእምር፤ ባዕድ፤ ወኢ-ምንትኒ፤ ዘእንበለ-ድምፁ-ቃሉ፤ ለመልአክ፤ ዘአብሠረኒ፤ በክብር፤ ወይቤለኒ፤ ሰላም፤ ለኪ፡ ኦ፡ ቅድስት፤ ድንግል፤ ሆርኪ፤ ዘኢይፀወር፤።  
፤ አግመርኪ፤ ዘኢይትግመር፤ ወአልቦ፤ ዘያገምር፤ ምንትኒ፤ ይበዝኅ፤ ወዳሴኪ፤ ኦ፡ ምልአተ-ጸጋ፤ በኩሉ፤ ክብር፤። እስሙ-ኮንኪ፤ አንቲ፤ ማኅደረ-ቃለ-አብ፤። አንቲ፤ ወእቱ፤ መንጠላዕት፤ ስፍሕት፤ እንተ-ታስተጋብአሙ፤ ለመሃይምናን፤ ሕዝብ-ክርስቲያን፤ ወትማይሮሙ፤ ሰጊድ፤ ለሥሉስ፤ ማሕየዊ፤ አንቲ፤ ወእቱ፤ ዘሆርኪ፤ ዓምደ-እሳት፤ ዘርእየ፤ ሙሴ፤ ዘወእቱ፤ ወልደ-**እግዚአብሔር**፤ መጽአ፤ ወኃደረ፤ ወስተ-ክርሥኪ፤ ኮንኪ፤ ታቦቶ፤ ለፈጣሪ-ሰማያት፤ ወምድር፤ ሆርኪ፤ በክርሥኪ፤ ፱ተ(ተሰዓተ)፤ አወራጋ፤ አንቲ፤ ማእምንት፤ ለዘኢያገምርዎ፤ ሰማያት፤ ወምድር፤ ኮንኪ፤ ተንከተሙ፤ ለዕርገት፤ ወስተ-ሰማይ፤ ብርሃንኪ፤ የዐቢ፤ እምብርሃነ-ፀሐይ፤ አንቲ፤ ወእቱ፤ ምሥራቅ፤ ዘወፅአ፤ እምኔኪ፤ ኮከብ፤ ብሩህ፤ ዘነፀርዎ፤ ቅዱሳን፤ በፍሥሐ፤ ወበኃሄት፤ ዘፈትሐ፤ ላዕለ-ሐዋን፤ ትለድ፤ በባዕር፤ ወሕምም፤ አንቲስ፤ **ማርያም**፤ ሰማዕኪ፤ ዘይብል፤ ተፈሥሒ፤ ኦ፡ ምልአተ-ጸጋ፤ ወለድኪ፤ ለኑ፤ ንጉሡ፤ እግዚአ-ኩሉ፤ ፍጥረት፤ መጽአ፤ ወኢድኅነኑ፤ መሐሪ፤ ወእቱ፤ ወመፍቀሬ-ሰብእ፤ በእንተዝ፤ ንዌድስኪ፤ በከሙ-**ገብርኤል**፤ መልአክ፤ እንዘ-ንብል፤ ቡርክት፤ አንቲ፤ **ማርያም**፤ ወቡሩክ፤ ፍሬ-ከርሥኪ፤ ተፈሥሒ፤ ኦ፡ ምልአተ-ጸጋ፤ **እግዚአብሔር**፤ ምስሌኪ፤ ስላሊ፡ ለኑ፡ ቅድስት።።

**ወዳሴሃ፡ ለእግዝእትኑ፡ ማርያም፡ ድንግል፡ ወላዲተ-አምላክ፡ ዘይትነበብ፡ በዕለተ ቀዳሚት፡ ሰንበት።**

ንጽሕት፤ ወብርህት፤ ወቅድስት፤ በኩሉ፤ እንተ-ሐቀፈቶ፤ ለእግዚእ፤ በአራጋ፤ ወኩሉ፤ ፍጥረት፤ ይትፈሥሐ፤ ምስሌሃ፤ እንዘ-ይጸርሐ፤ ወይብሉ።። ስላሊ፡ ለኑ፡ ቅድስት።።

ተፈሥሒ፤ ኦ፡ ምልአተ-ጸጋ፤ ተፈሥሒ፤ እስሙ-  
ረከብኪ፤ ሞገስ፤ ተፈሥሒ፤ **እግዚአብሔር**፤ ምስሌኪ፤ ናስተበፅዕ፤ ዕባኪ፤ ኦ፡ ግርምት፤ ድንግል፤ ወንፌኑ፤ ለኪ፤ ፍሥሐ፤ ምስለ-**ገብርኤል**፤ መልአክ፤ እስሙ-አምፍሬ-ከርሥኪ፤ ኮኑ፤ መድኃኒተ-ዘመድኑ፤ ወአቅረበኑ፤ ኅብ-**እግዚአብሔር**፤ አቡሁ።። ስላሊ፡ ለኑ፡ ቅድስት።። ከሙ-ከብካብ፤ ዘአልቡ፤ ጥልቀት፤ መንፈስ-**ቅዱስ**፤ ኅደረ፤ ላዕሌኪ፤ ወኃደሉ-ልዑል፤ ጸለለኪ፤ ኦ፡ **ማርያም**፤ አማን፤ ወለድኪ፤ ቃሉ፤ ወልደ-አብ፤ ዘይነብር፤ ለዓለም፤ መጽአ፤ ወኢድኅነኑ፤ እምኃጢአት።። ስላሊ፡ ለኑ፡ ቅድስት።።

አንቲ፤ ወእቱ፤ ዘመድ፤ ዘእምሥር-ወዳዊት፤ ወለድኪ፤ ለኑ፤ በሥጋ፤ መድኃኒኑ፤ **ኢየሱስ** ። **ክርስቶስ**፤ ሞሕድ፤ ቃል፤ ዘእምአብ፤ ዘእምቅድሙ-ዓለም፤ ህልዉ፤ ኅብእ፤ ርእሱ፤ ወነሥአ፤ እምኔኪ፤ አርአያ-ገብር።። ስላሊ፡ ለኑ፡ ቅድስት።።

ኮንኪ፤ ዳግሚተ፤ ሰማይ፤ ዲብ-ምድር፤ ኦ፡ ወላዲተ-አምላክ፤ ዘእንበለ-ርኩስ፤ ሠረቀ፤ ለኑ፤ እምኔኪ፤ ፀሐየ-ጽድቅ፤ ወወለድኪየ፤ በከሙ-ትንቢተ-ነቢያት፤ ዘእንበለ-ዘርእ፤ ወኢሙስና።። ስላሊ፡ ለኑ፡ ቅድስት።።

አንቲ፤ ወእቱ፤ ደብተራ፤ እንተ-ተሰመይኪ፤ ቅድስተ-ቅዱሳን፤ ወወስቴታ፤ ታቦት፤ በወርቅ፤ ልቡጥ፤ እምኩለሄ፤ ወወስቴታ፤ ጽላተ-ኪዳን፤ መሰብ-ወርቅ፤ እንተ-መና፤ ኅብእ፤ ዘወእቱ፤ ወልደ-**እግዚአብሔር**፤ መጽአ፤ ወነደረ፤ ኅብ-**ማርያም**፤ ድንግል፤ ዘእንበለ-ርኩስ፤ ተሰብአ፤ እምኔሃ፤ ቃለ-አብ፤ ወወለደቶ፤ ወስተ-ዓለም፤ ለንጉሡ-ስብሐት፤ መጽአ፤ ወኢድኅነኑ፤ ትትፈሣሕ፤ ገነት፤ እሙ-በግዕ፤ ነባቢ፤ ወልደ-አብ፤ ዘይነብር፤ ለዓለም፤ መጽአ፤ ወኢድኅነኑ፤ እምኃጢአት።። ስላሊ፡ ለኑ፡ ቅድስት።።

ተሰመይኪ፤ እሙ፤ ለ**ክርስቶስ**፤ ንጉሥ፤ እምድኅረ-  
ወለድኪ፤ ኪዳህ፤ ነበርኪ፤ በድንግልና፤ በመንክር፤ ምሥጢር፤ ወለድኪየ፤ ለዐማኑኤል፤ ወበእንተዝ፤ ዐቀባኪ፤ እንበለ-ሙስና፤ ስላሊ፡ ለኑ፡ ቅድስት።።  
፤ አንቲ፤ ወእቱ፤ ሰዋሰዉ፤ ዘርእየ፤ ያዕቆብ፤ **እግዚአብሔር**፤ ላዕሌሁ፤ እስሙ-  
ሆርኪ፤ በክርሥኪ፤ ኅቱም፤ ዘኢይትዓወቅ፤ እምኩለሄ፤ ኮንኪ፤ ለኑ፤ ስላሊተ፤ ኅብ-እግዚእኑ፤ **ኢየሱስ** ። **ክርስቶስ**፤ ዘተሰብአ፤ እምኔኪ፤ በእንተ-መድኃኒትኑ፤ ስላሊ፡ ለኑ፡ ቅድስት።። ናሁ፤ እግዚእ፤ ወፅኦ፤ እምኔኪ፤ ኦ፡ ቡርክት፤ ጽርሕ፤ ንጽሕት፤ ያድኅን፤ ኩሎ፤ ዓለሙ፤ ዘፈጠረ፤ በዕባየ-ሣህሉ፤ ንሰብሐ፤ ወንወድሶ፤ እስሙ-ወእቱ፤ ኄር፤ ወመፍቀሬ-ሰብእ፤።። ስላሊ፡ ለኑ፡ ቅድስት።። ፲ ተፈሥሒ፤ ኦ፡ ምልአተ-ጸጋ፤ ድንግል፤ ዘእንበለ-ርኩስ፤ ልሕቱት፤ ንጽሕት፤ ክብረ-ኩሉ፤ ዓለም፤ ብርሃን፤ ዘኢትጠፍእ፤ መቅደስ፤ ዘኢትነሠት፤ በትረ-ሃይማኖት፤ ዘኢትጸንጉ፤ ምስማኮሙ፤ ለቅዱሳን፤ ስላሊ፡ ለኑ፤ ኅብ-ወልድኪ፤ ኄር፤ መድኃኒኑ፤ ይምሐረኑ፤ ወይሣሃለኑ፤ ይሥረይ፤ ኃጢአተኑ።። ስላሊ፡ ለኑ፡ ቅድስት።።

**ወዳሴሃ፡ ለእግዝእትኑ፡ ማርያም፡ ድንግል፡ ወላዲተ-አምላክ፡ ዘይትነበብ፡ በዕለተ-ሰንበት-ክርስቲያን።**

ተሰመይኪ፤ ፍቅርተ፤ ኦ፡ ቡርክት፤ እምእንስት፤ አንቲ፤ ወእቱ፤ ዳግሚት፤ ቀመር፤ እንተ-ትሰመይ፤ ቅድስተ-ቅዱሳን፤ ወወስቴታ፤ ጽላተ-ኪዳን፤ ፲ቱ(አሰርቱ)፤ ቃላት፤ እለ-ተጽሕፋ፤ በአፃብዒሁ፤ **እግዚአብሔር**፤ ቀዲሙ፤ ዜነወኑ፤ በየዉጣ፤ እንተ-ይእቲ፤ ቀዳሜ-ስሙ፤ ለመድኃኒኑ፤ **ኢየሱስ** ። **ክርስቶስ**፤ ዘተሰብአ፤ እምኔኪ፤ ዘእንበለ-ዉላጤ፤ ወኮኑ፤ ዓራቄ፤ ለሐዲስ፤ ኪዳን፤ በዉኒዘ-

ደመጽ **ቅዱስ**ግ አንጽሐሙ፣ ለመሃይምናን ወለሕዝብን ንጹሐን። ስላሊ ለኑ ቅድስት።

ወበእንተዝኖናብዮኪ፣ ኩልነት ኦ፣ እግዝእትን ወላዲተ-አምላክን ንጽሕትን ኩሎ፣ ጊዜ፣ ንስእል፣ ወናንቀዕዱ፣ ኅቤኪ፣ ከመ-ንርከብ፣ ሣህሉ፣ በኅብ፣ መፍቀሬ-

ሰብእን ታቦትን በወርቅ ልቡጥን እምኩላሄ፣ ዘግቡርን እምዕፅ፣ ዘኢይነቅዝ፣ ይትሜሰል፣ ለኑ **ዘእግዚአብሔር** ቃለ፣ ዘኩነ፣ ሰብአ፣ ዘእንበለ-ፍልጠትን ወኢዉላጤ፣ መለኮትን ንጹሕን ዘአልቦ፣ ሙስና፣ ዘዕድይ፣ ምስለ-አብ፣ ወቦቱ፣ አብሠራ፣ ለንጽሕትን ዘእንበለ-ዘርዕ፣ ኮነ፣ ከማነ፣ በኪነ-ጥበብ፣ **ቅዱስ**ግ ዘተሰብአ፣ እምኔኪ፣ ዘእንበለ-ርክስን ደመረ፣ መለኮቶ። ስላሊ ለኑ ቅድስት።

መቅደስ፣ ዘይኬልልዋ፣ ኪሩቤል፣ አለ-ሥዑላንን በሥዕለ-**እግዚአብሔር** ቃል፣ ዘተሰብአ፣ እምኔኪ፣ ኦ፣ ንጽሕትን ዘእንበለ-ዉላጤ፣ ኮነ፣ ሠራዩ-ኃጢአትን ወደምሳሴ-አበሳነ። ስላሊ ለኑ ቅድስት።

አንቲ፣ ዉእቱ፣ መሰበ-ወርቅን ንጹሕን እንተ-ዉስቴታ፣ መና፣ ኅቡእን ኅብስትን ዘወረደ፣ እምሰማያትን ወሃቤ፣ ሕይወት፣ ለኩሉ፣ ዓለም። ስላሊ ለኑ ቅድስት።

አንቲ፣ ዉእቱ፣ ተቅዋምን ዘወርቅን እንተ-ዖርኪ፣ ማኅቶተ-ፀዳል፣ ኩሎ፣ ጊዜ፣ ዘዉእቱ፣ ብርሃኑ፣ ለዓለምን ብርሃንን ዘእምብርሃንን ዘአልቦ፣ ጥንትን እምላክን ዘእምአምላክን ዘበአማንን ዘተሰብአ፣ እምኔኪ፣ ዘእንበለ-ዉላጤ። ወበምጽአቱ፣ አብርሃ፣ ላዕሌነ፣ ለእለ-ንነብር፣ ዉስተ-ጽልመትን ወጽላሎተ-ሞትን ወአርትዐ፣ እገሪነ፣ ዉስተ-ፍኖተ-ሰላምን በምሥጢረ-ጥበብ **ቅዱስ**። ስላሊ ለኑ ቅድስት።

አንቲ፣ ዉእቱ፣ ማዕጠንትን ዘወርቅን እንተ-ዖርኪ፣ ፍሕመን እሳትን ቡሩክን ዘነሥእ፣ እመቅደስን ዘይሠራ፣ ኃጢአተን ወይደመስስ፣ ጌጋዩ፣ ዝ፣ ዉእቱ፣ **ዘእግዚአብሔር** ቃል፣ ዘተሰብአ፣ እምኔኪ፣ ዘአዕረገ፣ ለአቡሁ፣ ርእሶ፣ ዕጣነ፣ ወመሥዋዕተን ሥሙረ። ስላሊ ለኑ ቅድስት።

ተፈሥሒ፣ ኦ፣ **ማርያም**ን ርግብን ሠናይትን ዘወለድኪ፣ ለኑ **ዘእግዚአብሔር** ቃለ፣ አንቲ፣ ዉእቱ፣ ጽጌ-መዓዛ፣ ሠናይትን እንተ-ሠረፀት፣ እምሥርወ-እሴይ፣ ስላሊ ለኑ ቅድስት። በትረ-አሮን እንተ-ሠረፀት፣ ዘእንበለ-ተክልን ወኢስቀይዎ፣ ማየ፣ ከማሃ፣ አንቲኒ፣ ኦ፣ ወላዲተ-**ክርስቶስ**፣ እምላክን ዘበአማንን ዘእንበለ-ዘርዕን መጽአ፣ ወአድኅነነ። ስላሊ ለኑ ቅድስት።

ለኪ፣ ይደሉ፣ እምኩሎሙ፣ ቅዱሳንን ትስአሊ፣ ለኑ ኦ፣ ምልእተ-ጸጋ፣ አንቲ፣ ተዐብዩ፣ እምሊቃነ-ጳጳሳትን ወፈድፋድ፣ ትኩብሪ፣ እምነቢያትን ብኪ፣ ግርማ-ራእይን ዘየዐቢ፣ እምግርማ-ሱራፌልን ወኪሩቤል፣ አንቲ፣ በአማንን ምክሐ-ዘመድን ወስአሊትን ሕይወተን ለነፍሳቲን፣ ስላሊ ለኑ ኅብ-እግዚአኑ ወመድኃኒን፣ **ኢየሱስ** ግ **ክርስቶስ**ን ያፅንዐን በርትዕትን ሃይማኖትን ዉስተ-አሚነ-ዚአሁን ይጸግወን ሣህሎ፣ ወምሕረቶ፣ ይሥረይ፣ ኃጢአተን በብዝሃ-ምሕረቱ። ስላሊ ለኑ ቅድስት።

## ይዌድስዋ መላእክትን ለማርያም

በዉስተ-ዉሳጤ

መንጥላዕትን ወይብልዋ፣ በሐኪ፣ **ማርያም**ን ሐዳስዩ፣ ጣዕዋ፣ ይቤላ፣ መልአክን ለ**ማርያም**ን ተወከፈዮ፣ ለቃል፣ ኅቤኪ፣ ይመጽእ፣ ወበማኅፀነ-ዚአኪ፣ ዮኅድር፣ እፎ፣ ቤተ-ነዳይ፣ ኅደረ፣ ከመ-ምስኪን እምሰማያትን ወረደ፣ ላዕሌሃ፣ ፈቲዎ፣ ሥነ-ዚአሃ፣ ወተወልደ፣ እምኔሃ።

ወበሳድስን ወርኅን ተፈነወ፣ **ገብርኤል**፣ መልአክን እምኅበ-**እግዚአብሔር**ን ኅብ-አሐቲ፣ ሀገርን ዘገሊላ፣ እንተ-ስማ፣ ናዝሬትን ኅብ-ድንግልን እንተ-ተፍኅረት፣ ለብእሲ፣ ዘስመ፣ ዮሴፍ፣ ዘእምቤተ-

ዳዊትን ወስማ፣ ለይእቲ፣ ድንግልን **ማርያም**ን በእ፣ መልአክን ኅቤሃ፣ ወይበላ፣ ተፈሥሒ፣ ፍሥሕትን ኦ፣ ምልእተ-

ጸጋ፣ **እግዚአብሔር**ን ምስሌኪ፣ ብርክትን አንቲ፣ እምአንስትን ወርእያ፣ ደንገፀት፣ እምቃሉ፣ ወሐለየት፣ ወትቤ፣ እፎኑ፣ ከመዝኑ፣ እንጋ፣ አምኃ፣ ይትአምኑ፣ ወይበላ፣ መልአክን ኢትፍርሂ፣ እስመ-ረከብኪ፣ ሞገሰ፣ ብኅብ-

**እግዚአብሔር**ን ወናሁ፣ ትፀንሲ፣ ወትወልዲ፣ ወልደ፣ ወትሰምዩዮ፣ ስሞ፣ **ኢየሱስ** ግ ዉእቱ፣ ዐቢይን ወይትሰመይ፣ ወልደ-

**እግዚአብሔር**ን ልዕልን ወይሁብ፣ **እግዚአብሔር**ን አምላክን መንበረ-ዳዊትን አቡሁ፣ ወይነግሥ፣ ለቤተ-

ያዕቆብ፣ ለዓለምን ወአልቦ፣ ማኅለቅትን ለመንግስቱ፣ ትቤሎ፣ **ማርያም**ን መልአክን እፎኑ፣ ይከዉነኒ፣ ዝንቱ፣ እንዘ-

ኢየአምር፣ ብእሴ፣ እፎኑ፣ ይከዉነኒ፣ አዉሥእ፣ መልአክን ወይቤላ፣ መንፈስ-**እግዚአብሔር**ን **ቅዱስ**ን ይመጽእ፣ ላዕሊኪ፣ ወኃይለ-

ልዑልን ይጸልለኪ፣ ዘኒ፣ ይትወለድ፣ እምኔኪ፣ **ቅዱስ**ን ዉእቱ፣ ወይሰመይ፣ ወልደ-**እግዚአብሔር**ን ልዑልን ወናሁ፣ ኤልሳቤጥኒ፣ እንተ-

እመአዝማድኪ፣ ይእቲኒ፣ ፀንሰት፣ ወረከበት፣ ወልደ፣ በልኅቃቲሃ፣ ወበርሥዐቲሃ፣ ወናሁ፣ ሳድስን ዝንቱ፣ ወርኅን ለእንተ-ይብልዋ፣ መካንን እስመ-

አልቦ፣ ነገርን ዘእይሰአኖ፣ ለ**እግዚአብሔር**ን ትቤሎ፣ **ማርያም**ን ለመልአክን ነዩ፣ አመቱ፣ ለእግዚአ-ኩሉ፣ ነዩ፣ አመቱ፣ ይኩነኒ፣ በከመ፣ ትቤለኒ።

ይቤላ፣ መልአክን ሰላምን ለኪ፣ ይቤላ፣ **ገብርኤል**፣ ሰላምን ለኪ፣ **ማርያም**ን ድንግልን ሰላምን ለኪ፣ ወላዲተ-

አምላክን ሰላምን ለኪ፣ **ማርያም**ን ቅድስትን ሰላምን ለኪ፣ **ማርያም**ን ዉድስትን ሰላምን ለኪ፣ **ማርያም**ን ፍሥሕትን ሰላምን ለኪ፣ **ማርያም**ን ብፅዕትን ሰላምን ለኪ፣ **ማርያም**ን ቡርክትን ሰላምን ለኪ፣ ማኅደረ-መለኮትን ሰላምን ለኪ፣ ደብተራ፣ ፍጽምትን ሰላምን ለኪ፣ እኅተ-

መላእክትን ሰላምን ለኪ፣ ወእመ-

ኩሉ፤ ሕዝብ፣ ሰላም፣ ለኪ፣ እግዚአብሔር፣ ማርያም፣ ሰላም፣ ለኪ፣ ሰላማዊት፣ ሰላም፣ ለኪ፣ ቀደሰኪ፣ ለማህደሩ፣ ልዑል፣ ሰላም፣ ለኪ፣ አብደረኪ፣ ወኅ  
ረየኪ፣ ከሙትኩኒዮ፣ ማኅደሮ፣ ሰላም፣ ለኪ፣ በአልባሰ-ወርቅ፣ ዑፅፍት፣ ወኅብርት፣ ሰላም፣ ለኪ።፥ ክነፈ-  
ርግብ፣ በቡሩር፣ ዘግቡር፣ ሰላም፣ ለኪ፣ ወገበዋቲሃኒ፣ በሐመልማለ-ወርቅ፣ ማርያም፣ ሥርጉት፣ ሰላም፣ ለኪ፣ ኖኅተ-  
ምሥራቅ፣ ወእሙ፣ ለብርሃን፣ ሰላም፣ ለኪ፣ ትብርሂ፣ እምፀሓይ፣ ወትትሌዐሊ፣ እምአድባር፣ ሰላም፣ ለኪ፣ ማርያም፣ ኅሪት፣ ወክብርት፣ ሰላም፣ ለኪ፣  
ሰአሊ፣ ለነ፣ ኅብ-እግዚእነ፣ ወመድኃኒነ፣ ኢየሱስ ፣ ክርስቶስ፣ ከሙያድኅነነ፣ እሙይመጽእ፣ በስብሐተ-አቡሀ፣ ምስለ-መላእክቲሀ፣ ቅዱሳን፣ እሙ-  
ያቀዉም፣ አባግዐ፣ በየማኑ፣ ወአጣሌ፣ በፀጋሙ፣ ያቁመነ፣ በየማኑ፣ ምስለ-እስጢፋኖስ፣ ሰማዕት፣ ወዮሐንስ፣ መጥመቅ።፥ ወምስለ-  
ኩሉሙ፣ ቅዱሳን፣ ወሰማዕት፣ ለዓለሙ-ዓለም፣ አሜን።፥ ማርያም፣ ማርያም፣